


Jörunn Ísleifsd. Melsted.

Rv. 1860.











JÓRUNN ÍSLEIFSDÓTTIR  
MELSTED.

MDCCCXVI—MDCCCLVIII.



+

Prentað í Reykjavík 1860.

Á kostnað Páls sýslumanns Melsteðs.

Hjá Einari prentara Þórðarsyni.

# I.

## RÆÐUR.

Húskveðja eptir prestaskólakennara Sigurð  
Melsteð.

---

Í. J. N.

Hversu beiskur ertu, dauði! hversu beisk er þín endurminning! Þessi sorgarorð eru gömul á vörum mannanna, og munu heyrast þaðan, á meðan þeir eru settir á þetta dauðlegleikans og skilnaðarins land; skilnaðarins stund á milli ástvina er jafnan sorgarstund, og beiskur er dauðinn vissulega, sem optastnær gengur þannig í garð, að hann slítur hin viðkvæmustu ástarbönd, hrífur ástvin frá brjósti ástvinar, barnið frá móðurhjartanu, foreldra frá börnum, makann úr faðmi makans. Æ! hvílik ráðgáta er oss skammsýnum mönnum vort líf, hversu erfitt er oss einatt að átta oss hér á þessari vorri stundarvegferð! hversu þungbært að geta skilið og tekið réttilega þeim kjörum, sem oss eru úthlutuð! En — allir þínir vegir, drottinn! eru einber speki og náð, því ber oss að trúa því staðfastlega, að allt, sem þú úthlutar oss, sè oss sent í vísdómsfullum

og gæzkuríðum tilgáangi. Gleðinnar kjörum útbýtir þú af þinni náð, sorgarinnar bikar réttir þú eins börnum þínum af mildiríðum föðurkærleika. Vertu oss, miskunsami guð! nálægur á þessari sorgarstundu, sendu þinn huggunaranda niður í hin harmþrúngnu hjörtu, svo að sorgin helgist og verði þér þóknanleg, og þessi sorgarstund verði oss að vonarstundu.

Jú vissulega er þetta sár sorgarstund; þessi líkkista, sem vör nú stöndum við, geymir andvana líkama framliðinnar systur, sem nú ætlar að yfirgefa þetta heimili sitt í síðasta sinni, og kveðja þá, sem hún unni þar hugástum; hún skilur nú að líkamlegum návistum við alla sína ástvini, sem geyma eptir ógleymanlega minningu hennar í tregandi en þakklátum hjörtum. Allir, sem þekktu þig, sæla framliðna systir! hlutu að elska og virða hina hreinu sál, sem fram gekk hér í guðhræðslu og grandvæðleika fyrir drottni; allir, sem kynntust þér, hlutu að dást að skrautbúningi hjarta þíns, sem lýsti sér í hógværu blíðlyndi, innilegri hjartagæzku, stöðugri tryggð, auðmýkt og þolinmæði, og hafði rót sína í sönnum guðsótta. Því betur, sem eg lærði að þekkja þig, því lengur sem eg kynntist þínu hreina, elskulega hugarfari, og gafst kostur á að taka eptir því, hversu þú af samvizkusemi í því, að uppfylla skyldur þínar, einatt gekkst fram af sjálfri þér, og gleymdir þínum veiku kröptum, hversu þú sérhvert augnablik varst reiðubúin að afneita sjálfri þér til að þjóna öðrum, hversu þú hjartanlega læzt þér annt um, að gjöra mínum ástkæra bróður, og þinni öldruðu, æru-



verður móður lífið farsælt og ánægjulegt, því innilegar hlaut eg að elska þig og virða. Allt frá barnæsku hafði þín hreina sál inndrukkið guðsóttann í húsum guðhræddra foreldra; þar hafði þér snemma verið tamið að hafa umgengni þína við guð, þar hafði þér í æskunni verið innrætt, að hér á jörðu erum vèr gestir og ferðamenn, og að vort rétta föðurland er á himnum. Já! vissulega þekktir þú af eigin lífsreynslu, þó þín jarðneska vegferð væri ekki laung, að hér erum vèr gestir og ferðamenn, að vèr hér á jörðu höfum engan blifanlegan samastað; þess vegna leitaðir þú líka hér hins sanna föðurlands; þess vegna horfðir þú stöðuglega hér niðri upp til hinna himnesku heimkynna; þess vegna varstu hér á jörðu svo handgengin himninum. Nú hefur þú fundið hið varanlega heimkynni, sem frelsari þinn og vör allra hefur fyrirbúið þér í húsi föður síns; hann, sem þitt hreina hjarta hafði stöðuglega umgengni við, en sem þú hér að eins sást í ráðgátu, hann hefur þú nú sæð augliti til auglitis; sælir eru hjartahreindir, þeir munu guð sjá! Eins og þú, mín ógleymanlega sæla systir! varst þegar hér á jörðu handgengin himninum, eins varstu líka handgengin dauðanum. Einatt vitjaði dauðinn heimilis þíns, einatt var aðkoma hans fyrir þig sár og sviðamikil, þegar hann kippti úr faðmi þér þínum úngu ástvinum, sem drottinn hafði gefið þér, og dauðans beitti broddur særði um leið þitt viðkvæma móðurhjarta djúpum sárum. Einatt máttir þú sjálf reyna árásir dauðans, þegar hann vitjaði þín í þungum sjúkdómum, og ræðst á hina

veiku tjaldbúð líkama þíns; því — hær barstu dýr-  
mætan fjársjóð í veiku leirkeri; hær varstu orðin  
samrýnd krossbyrði vanheilsunnar, og áttir eins og  
í sífelldu dauðastriði; þess vegna heimsótti dauðinn  
þig ekki heldur í þetta sinn eins og ókunnugur gest-  
ur; þú varst orðin handgengin honum í lífinu, hann  
kom ekki til þín í síðasta sinni eins og ótta-  
legur sigrari lífsins, heldur eins og friðarins sendi-  
boði, eins og frelsisins engill, til að leysa þína sælu  
önd úr fjötrum líkamans og flytja hana til hinna  
eilífu heimkynna, til borgar hins lifanda guðs; þar  
á friðarins landi hefur þinn þreytti andi fundið hvíld,  
þar hefur þú aptur samtengzt þeim ástvinum, sem  
á undan þér eru farnir, þar á landi lifenda hefur  
þú fundið aptur þína úngu ástvini, sem þú tregaðir  
hær, til þess aldrei að skilja við þá framar; þar mun  
engin sorg framar vitja þín, enginn sjúkdómur fram-  
ar heimsækja þig, og dauðinn aldrei framar beiskja  
þér fögnuð lífsins.

Lífsleið þín hær, sæla systir! var ekki laung,  
lífsins og dauðans herra kallaði þig til sín á miðri  
vegferðinni; hinn himneski faðir, sem telur vora  
líf daga, spyr ekki um fjölda vorra lífsstunda, heldur  
um það, hvernig vör höfum lifað þær; guð hafði  
velþóknun á hjarta þínu, honum geðjaðist, hvernig  
þú hafðir brúkað þinn náðartíma, hann tók þig til  
sín á miðdegi lífsins, því í hans augliti varstu full-  
þroskuð fyrir himininn.

Vær, sem hær eigum enn þá eptir stundardvöl,  
látum oss því ekki harma burtför vorrar framliðnu

systur! nei, vèr hörmum hana ekki, vèr samfögnum lausn hennar, þeim sigri, sem hún hefur unnið, því betra hlutskipti, sem henni hefur hlotnast; en með sárum söknuði tregum vèr allir, sem þekktum hennar guðhrædda og elskulega hugarfar, viðskilnað hennar við oss, því oss lángaði til að samferðast henni lengri tíma, ef það hefði verið guðs vilji.

Minníng hennar mun jafnan lifa í blessun, ekki einúngis í þessum húsum, sem hún kveður nú, heldur og í hjörtum allra ástvina hennar, og allra, sem nokkuð þekktu hana. Í guðhræðslu og grandvarlegleika, í hógværð og friði var framganga hennar hér; nú er hún inngengin í sælunnar og friðarins eilífu heimkynni. Þaðan sendir hún oss öllum sína friðarkveðju; innilegri þakklætiskveðju kveður hún þig, ástkæri bróðir! sem reyndist henni trúr og óþreytandi leiðtogi á samferð ykkar, sem barst með henni krossbyrði lífsins, samþíndist veikindum hennar, og hjúkraðir henni með viðkvæmri umhyggju í hennar lángvinnu og iðulegu sjúkdómum. Eg veit, að þitt bliða og tryggja hjarta tregar sárt og innilega burtför þess tryggasta og ástkærasta vinar, sem drottinn hefur gefið þér, hluttekning allra viðstaddra vina og vandamanna er vottur þess, að þitt sorgarefni er mikið. En eg veit líka, að kristileg trú hefur djúpt fest rætur í hjarta þínu; af því eg veit, að þú snemma hefur tamið þér að horfa til himins, til vors sanna föðurlands, þá veit eg líka, að frá hinum himnesku heimkynnum muni huggunarinnar ljós leiptra niður í þitt harmþrúngna hjarta,

og að þú munir finna hugsvölun hjarta þínu í þeirri huggun, sem kemur hér að ofan. Þángað, til himins, þar sem þinn ástkæri maki er kominn í tölu annara ástvina, sem á undan henni voru farnir, rennir þú huga þínum á þessari stundu; þángað liggur einnig vor leið, þar munum vèr innan lítils tíma sjá hana aptur, því ekki eru þessir fáu lífdagar, þó oss einatt finnist þeir lágir og erfiðir, annað en lítill tími, sem liðinn er, áður en oss varir. — Yður, æruverða, sártsyrgjandi ekkjufrú! kveður yðar heittelskaða dóttir ástar- og þakklætiskveðju; straung var yðar vegferð með henni á leið lífsins, en óþreystandi reyndist yðar móðurkærleiki að styðja hana og styrkja á hinni erfiðu leið, allt frá vöggunni til grafarinnar; þungbært var yðar tilfinningarsama móðurhjarta, að sjá einatt heittelskaða einkadóttur andvarpa þúngt undir krossbyrði þjáninganna, en létbært var yðar þrekmikla móðurkærleika, að gleyma yðar eigin þúngu byrði, til að létta undir þunga yðar liðandi ástvinar. Hinum algóða hefur þóknast, sártsyrgjandi ekkjufrú! að senda yður mikla reynslu; honum hefur þóknast, að margreyna yður í lífsins skóla; honum hefur þóknast enn á ný að særa yður nýju sári; en vissulega mun hann, sem er guð allrar huggunar, nú sem fyr með reynslunni senda sinn heilaga huggunaranda í yðar harmþrúngna hjarta; vissulega mun hann, sem er athvarf ekknanna, nú sem fyr, verða yðar athvarf; vissulega mun hann, sem hingað til hefur verið yðar styrkur, ekki heldur nú láta yður bregðast sinn styrk; fyrir hans náð munuð þér



geta sagt: »Þó að minn ytri maður hrörni, þá endurnýjast samt minn innri maður dag eptir dag«. Hann, sem hefur gróðursett móðurkærleikann, mun telja þau tár, sem hið tregandi móðurhjarta úthellir; þeirri hryggð, sem þér nú hafið, mun hann síðar breyta í fögnuð á sælunnar og fagnaðarins landi, þegar þér aptur fáið að sjá yðar sælu dóttur í tölu guðs útvaldra barna. — Yður, úngu ástvinir! kveður yðar elskaða, sæla móðir. Látið yðar sorgbitnu hjörtu ekki skelfast! Hefjið hugann til hinna himnesku heimkynna; þaðan ávarpar yðar sæla móðir yður sínum friðar- og blessunaróskum; þar biður hún fyrir yður, að þér megið fara sívaxandi í náð hjá guði og mönnum, að þér megið verða sæl bæði þessa heims og annars; hafið, eptir dæmi yðar sælu móður, stöðuglega umgengni yðar við guð, gleðjið hana í himninum, með því að framganga hér á jörðu í guðsótta og dyggð; huggið, ástkæru úngu vinir! yðar sártsyrgjandi föður með dyggðugri breytni; gleðjið yðar öldruðu, margreyndu ömmu með lofsverðum mannkostum, og gjörið henni með þeim kvölddag lífs hennar unaðarsamlegan; það er sú bezta lækning, sem þér getið veitt þeirra særðu hjörtum. Setjið traust yðar og athvarf til guðs; og hann, sem aldrei gleymir sínum börnum, mun geyma yður eilíflega í sínum föðurfadmi.

Svo látum oss þá hefja hugann til himinsins; látum oss hafa það hugfast, að vèr felum himninum en ekki gröfnum vora framliðnu ástvini; í þeirri öruggu trú fylgjum vèr þínum jarðnesku leifum, sæla

systir! í guðs hús, áður en þær eru lagðar í hinn helgaða reit framliðinna. Blessaðu oss, drottinn! þessa sorgargaungu; láttu þessa sorgarstundu, og sérhverja stundu lífs vors minna oss á, að vèr hèr erum gestir og ferðamenn, og að vort sanna föðurland er á himnum, svo að vèr, meðan vor náðartími stendur yfir, hèr á jörðunni höfum vora umgengni á himnum. Bænheyr það í þíns sonar nafni, amen.

---

Ræða flutt í Reykjavíkur-dómkirkju af prófasti  
Ó. Pálssyni.

---

Á þínu valdi, drottinn! erum vèr dauðlegir og allt vort ráð; þú sendir oss sorg og reynslu þessa lífs af hinnu sömu föðurgæzku, sem veitir og svo gleðinnar stundir. Og gef þú oss ætíð, og gef oss einnig á þessari stundu, að taka þeirri sorg, sem þú sendir, með trú og trausti og fúsri undirgefni undir þinn föðurvilja. Gef það öllum þeim, sem syrgja yfir þessum moldum. Þá eru þeir sælir, þótt þeir harmi, því þeir munu huggaðir verða. Amen!

---

Þegar oss mæta hinar þúngbæru sorgarstundir, þá er jafnan eitt og hið sama skjólið, sem vèr fáum leitað og leitum í, til þess að öðlast huggun og sorganna lætti; en það er hjá guði, föður misk-

unsemdanna. Og sælir erum vèr, hver sorg sem oss mætir, ef vèr einúngis fáum falið oss hans mildri föðurhendi; því hún ein megnar að græða öll vor sár og þessa harmatárin af vorum augum. Æ, látum oss þá í hans nafni og hans miskunarskjóli eyða þessari sorgarstundu. Vor allra hjartans ósk er víst sú, að hún hefði mátt hjá oss líða; því skyldi hið syrgjandi hjarta nokkru sinni neita sér um þá svölun, að andvarpa með honum, sem sagði: »Minn faðir! ef það er mögulegt, þá líði þessi kaleikur frá mér«? Biðjum vèr þannig með honum, þá biðjum vèr í sannri trú, og getum einnig bætt hinu við: »þó ekki eins og eg vil, heldur eins og þú vilt«. Og guð gefi það öllum, sem hér syrgja, að geta með þvílíku hugarfari fylgt til grafarinnar þeirri elskuðu systur vorri, sem hér hefur svo snemma, og harmdauð öllum, sofnað hinum síðasta dúr. Hjartanna sár eru opt næsta viðkvæm fyrir þá, sem eptir lifa, þegar hin góða manneskja verður, eins og hér hefur skeð, burtkölluð um hádegisstundu lífsins og mitt í þess helgustu störfum. Því fremur sem manneskjunnar dyggð skartaði fagurt um hið stutta lífsskeið, því dýrmætari hún fyrir svo margt elskuvert, sem bjó í fari hennar, verður ástvinum sínum, því fremur veitir það örðugt, að halda aptur hinum beisku sorgartárum yfir hennar gróf. Sú blíðari tilfinning hjartans, sem lætur þau fljóta, er innrætt af skaparans hendi, og því höldum vèr ekki aptur þeirri fórn, sem jafnt heiðrar minningu hinna ástkæru, og svalar vorum sorgmæddu hjörtum. Og syrgjum vèr

þannig ástvini vora, sem það gefst ekki að njóta lengur hér stundlega, þá vitum, að það skeður eptir vilja guðs, sem gjörir ekkert tilgángslaust, og hefur heyrt hvert andvarp, talið hvert tár vorrar hrein-skilnu sorgar, með hinni sömu föðurgæzku, með hverri hann úthlutar svo miklu af því, sem er til að gleðja. Gætum vèr þessa, þá kunnum vèr og svo að syrgja með voninni til hans, með því hjartalagi, sem trúaröruggt felur sig hans vilja, í sorg sem í gleði, og segir: »Ekki eins og eg vil, heldur eins og þú vilt«. Sú huggun, sem það gefur, hefur meira ágæti með sér, en nokkur sú gleði, sem af heiminum er; og hún svarar því fremur hjörtunum, sem innilegri og hreinni er vor sorg, sem hinn saknaði ástvinur var betri og samtengdur oss með hjartfólg्नari elsku. Betri gjöf, en að njóta því líkra, fær guðs föðurbönd aldrei rétt að oss, en vèr könnumst bezt við elsku hans, sem gefur, með því að hneigja vor hjörtu undir hans blessaðan vilja, og vegsama eins hans nafn, þegar hann tekur aptur sitt lán.

Hér er það hin sannkallaða góða og elskuverða manneskja, sem vèr með sorg og söknuði hljótum að fylgja til grafar. Það mun varla nokkur einn af yður, sem hér eruð staddir, að hann fái með öðrum tilfinningum gengið þessa gaungu, eða numið staðar við hennar gróf. Lífið var ekki langt, því það uáði ekki fleirum en rúmum 42 árum, og þó munu allir, sem til þekktu, jata, að það hafði flest það sér til ágætis, sem jafnvel hinn háí aldur sjaldan fær náð. Svo var það búið flestum þeim kvenndyggðum, sem



sameinast gátu, til að prýða það. Það er sárt og tilfinnanlegt fyrir þá, sem eptir lifa, þegar þvilíkri manneskju verður svo snemma kippt í burtu; vegir guðs, sem ræður því, liggja þá huldir fyrir oss dauðlegum, og eitt einungis skynjum vèr, og það má um leið hugga vor sorghitin hjörtu, að því betri einn var og verðugri vorrar elsku, því fremur á hann sitt sanna heimkynni á öðrum sælli og betri stað, en þessari jörðu, og um þvilíka sjáum vèr það opt, að þessi stundlega dvöl verður næsta stutt fyrir þá.

Þessi hin framliðna hafði mikið þegið af guði. Henni virtist nærri að jöfnu veitt bæði friðleikur og góðar sálargáfur, gáfur fyrir hvers kyns nám, og það náttúrufar, sem í alla staði hneigðist að því, sem gott er. Hún naut þess mikla láns, að eiga hina beztu foreldra, sem leiddu hana með ástrikri umhyggju fram yfir æskunnar ár; og hvað sjaldgæfara er, jafnvel þó árin ekki verði fleiri, en hær er sagt, þá var hinni nákvæmu móðurhendi aldrei af henni svipt, já, hún hefur og svo nú tekið þátt í því þungbæra skylduverki, að apturlykja síðast hennar augu. Fáir munu í foreldra húsum verða njótandi betri og fullkomnari menntunar, hvort heldur til sálar eður líkama, en þessi framliðna; enda mun það mega fullyrða, að hún í flestu þvilíku skaraði fram úr öðrum. Það var auðsjáanlegt á öllu, og eins á því, hvernig hún, eins og húsmóðir, stóð í sinni stétt. Þetta er mikils vert, en hær var það því fremur, sem það var sameinað flestum þeim dyggðum, sem eru sálarinnar sannasta prýði. Hær

var sú manneskja, sem það var í öllu svo stöðuglega innrætt, að vanda sitt ráð, eins og fyrir guðs augliti. Hjartað var bæði hreint og stöðugt í tryggðum og í öllu góðu; framgangan siðsöm og stillt, viðmótið blitt og hógvært, og tíðast temprað með þeirri hæglátu glaðværð, sem hlýtur að vera svo geðþekk öllum.

Þó æfiárin væru ekki mörg, má það hér samt segja, að miklu dagsverki var af lokið. Hátt á 18. ár hefur þessi framliðna bæði í bliðu og stríðu verið hin sama tryggja og bliðlynda aðstoð ektamannsins, sem nú syrgir við hennar gróf; ástrík og nákvæm móðir barna sinna, bæði þeirra, sem hún hlaut að sjá á bak, og eins hinna þriggja, sem með elsku- og saknaðartárum heiðra minningu hennar, þegar hún er liðin. Hún gætti síns húss með árvekni, og mátti í alla staði segjast að vera þess prýði. Því var það svo, að þó á margri reynslu væri að kenna, bjó þar jafnan hin sanna blessun guðs. Vær hvorki viljum nè getum réttilega aðskilið þetta frá því, sem eg vil halda að hafi verið aðaleinkennið á sálu hennar, en eg vil orða það svo, að hún hafi verið handgengin guði. Og það var margt, sem lýsti þessu í dagfari vorrar sælu systur. Hún naut að vísu mikils af samnkölluðu meðlæti þessara lífdaga: guð gaf henni góðan og bliðlyndan ektamaka og efnileg börn; hún naut þeirrar gleði, að móðirin, sem hún bæði elskaði og hafði í heiðri, veik aldrei úr húsi hennar, og að hin nákvæma móðurhönd var henni jafnan því meiri og betri aðstoð.

sem meira reyndi á. En með þessu fylgdi og svo mörg þungbær reynsla. Hún kenndi bæði á sárum ástvinamissi, og hennar viðkvæma móðurhjarta reyndist mikið í því, að sjá upp á þungar líðanir barna sinna, og fimm þeirra hafa andazt á hennar örmum. Sjálfreyndi hún mikinn heilsubrest, og lá optar en einu sinni fyrir dauðans dyrum. Það er hægt að geta í vonirnar, hvílík áhrif þessi reynsla hlaut að hafa á blítt og viðkvæmt hjarta, og ekki að undra, þó hún hefði gjört mikið að því, að niðurbeygja lífsfjórið. En hitt er víst, að þó tíðast væri að kenna á einhverju af þessu, þá væk aldrei frá henni traustið til guðs og hans gæzkuríkrar forsjónar. Hjartað, sem það var tamt að umgangast hann, minntist jafnan með auðmýkt við hans hönd, þó hún hvíldi þungt á því. Það var þetta, sem sýndi hina sannkölluðu guðræknu manneskju; og það kom hær jafnt fram í þolgæði í mannraununum, og í því, að vanda svo í alla staði sitt ráð, eins og fyrir augliti guðs. Þetta einkenni fylgdi henni víst til hinnar síðustu stundar. Undir hinum þungu þjáningum, sem opt virtust að vera svo miklar, að þær hlytu að svipta sjónar á öllu því, sem af heiminum er, mun sálin þess stöðugar hafa haft sína umgengni hjá guði. Það var á hinu síðasta dægri lífsins, að hún einhverju sinni vaknaði af nokkurs konar svefnvæð með þeim orðum, að nú hefði hún »verið að tala við guð«. Hvort heldur þau orðin sjálf hafa í það skipti verið töluð með glöggri hugsun eður ekki, þá vitna þau um hið sama, hvar hugurinn hafði sein-

ast búið. Og enginn af oss fær óskað sèr nokkurs betra á sinni síðustu stundu, en að hugir vorir megi þá vera hjá guði, vorum seinustu orðum snúið til hans, og hinum seinustu andvörpum varpað í hans föðurfaðm. En það veitist þeim einum, sem á lífsins heilbrigðu dögum lifðu í guði og höfðu sína umgengni við hann.

Þannig er þessi vor elskaða systir skilin hér við, söknuð oss öllum, en sárlega treguð af eptirlifandi ástvinum. Hér er bæði öldruð móðir, sem, þreytt af margfaldri reynslu lífsins, hefur enn nú hlotið að búa sína elskaða dóttur til hinnar síðustu hvíldar, og hefur við það eitt að huggast, að innan lítils tíma muni það veitast, að sjá aptur hina ástkæru, sem fyrri eru farnir, — og hér er sorgbitinn ektamaður, sem svo snemma hlýtur að skila aptur því bezta láni, sem guðs föðurforsjón hafði veitt, og gjörir það bæði með hrærðu hjarta, og með þakklæti til gjafarans, fyrir alla þá blessun, sem hann naut með þessari framliðnu. Stundlegar samvistir hefur dauðinn náð að slíta, en hann fær aldrei slitið kærleikans heilaga band, því það er tengt af guði, sem er sterkari en dauðinn, og sem á sælum samfundadegi mun tengja það aptur, svo að ekkert megnar framar að skilja. Hér syrgja börnin elskaða móður, sem með stöðugri nákvæmni og blíðu bar þau og þeirra heill fyrir brjósti. Já, þeir eru enn nú fleiri, sem maklega telja sig með ástvinum hennar, sem öllum vildi hið bezta og gladdist við allra heill. Og yður öllum, mín elskuðu! fæ eg einungis sagt



hið eina, sem eg aldrei hef með meiri sanni getað sagt yfir líkkistunni, en nú: vitið, að hær hefur sú manneskja skilið við, sem guð hefur útvalið, að sú sál, sem byggði þessa föllnu tjaldbúð, átti vissa heimkomu í hans föðurskaut. Eg veit, að hjörtu yðar fá ekki neitað sér um sorgarinnar beisku svölun, en til þess að tærin þorni af yðar sorgmæddu augum, þá snúið sálarinnar sjón að því sælaljósi, sem skín yfir alla hina útvöldu guðs. Hann gefi yður að gjöra það, sem að síðustu mun snúa allri vorri stundlegri hryggð í fögnuð.

Það er þángað, sem vér allir eptirþreyjandi horfum eptir þér, vor sæla, burtsofnaða systir. Þú kennir ekki framar á þessa heims sorgum, en nýtur æðri og meiri gleði, en hann fær nokkru sinni veitt. Guði sé lof fyrir það, hvað þú varst um lífsins stutta skeið. Vér kveðjum þig allir með þeirri hjartans ósk, að hvenær sem kemur vor síðasta stund, þá gefi hann oss að ná þeim sömu friðarins heimkynnum, sem þú hefur þegar gist. Amen!

---

## II.

## GRAFSKRIPT OG ERFILJÓÐ.

## 1. Grafskript.

+

Dáin úr                      lifir nú  
dauðaheimi              lífi æðra

JÓRUNN ÍSLEIFSDÓTTIR MELSTEÐ,

fædd á Brekku á Álptanesi 14. d. maímán. 1816;

gipt þar 30. d. desemberm. 1840

cand. philos. Páli Melsteð,

móðir 8 barna,

— 5, sem dóu á undan henni, og 3, sem lifa, —

dáin í Reykjavík 21. d. ágústmán. 1858.

Hafði hinn Alvaldi

henni veitta

kosli mæta' og marga:

gáfur, geðprýði,

góðvild staka,

blítt og hógvært hjarta.

Hafði' og uppeldi,

í ótta drottins

og hvers kyns mætum menntum,

búið hana öllu,  
 bezt er jafnan  
 hefðarkonum hæfir.

En sjálf hún hafði  
 hegðun alla  
 drottni' og dyggðum helgað;  
 gott að vinna,  
 guði' að þjóna  
 mest hún mat af öllu,

---

Vinsældir, heiður, hrós  
 henni þó felli í skaut,  
 samt hennar líf var ljós,  
 sem laungum blakta hlaut;  
 því margur mæðugustur  
 hér á það lagði' og olli þraut.

Sjúkleiki' og sorgir með  
 sárt þó að legðust á,  
 æ hennar glatt var geð,  
 því guði jafnan hjá  
 hún hjartað hafði' og trúði,  
 að gott er allt þeim föður frá.

Athæfið allt og mál  
 um það ljóst vitni bar,  
 að ástrík og einlæg sál  
 innra bjó fyrir þar;  
 vegna þess ætið öllum  
 — en sínum helst — hún hjartkær var.

Nú drottins hefur hönd  
 hennar öll meinin grætt;  
 nú hennar alsæl önd  
 aptur þeim hefur mætt,  
 sem hjer hún hlaut að missa;  
 grátum ei, — hennar böl er bætt!

---

Gef, að hver gæti' og skilji,  
 guð! að þinn helgur vilji  
 speki og náð eilíf er;  
 guð! hjartna græddu sárin,  
 guð! sorga þerrðu tárin  
 þeirra, sem harma hær!

*Helgi Hálfðánarson.*

---

## 2. Erfiljóð.

†

1.

Mörg hafa blómin furðu-fríð  
 fallið að rótum svarðar,  
 sem fuglaröddin fögur og blíð  
 fylgdi að skauti jarðar;  
 þeir lofuðu guð, er allt það á  
 aptur af jörð vill til sín fá,  
 í hópinn sinnar hjarðar.

2.

Æfi blómanna allra þú



eptir læzt, góða kvendi!  
 ásjónu þeirra, traust og trú  
 tókst þú með blíðri hendi,  
 lèreptin fengu líf og mál,  
 þá lékst þú þér með skæri og nál;  
 guð þér þá gáfu kenndi.

## 3.

En eitt er blóm, sem enginn sèr,  
 of stutt það hjá oss dvaldi,  
 guð kveykti það á kinnum þér,  
 kærleiksfullur hann valdi  
 þig sèr að vini og veitti þér,  
 veglegast það í heimi er;  
 dapur er dauðinn kaldi!

## 4.

Í roða sínum rósín dó,  
 raddlaus er túngan blíða,  
 og ímynd þína oss enginn bjó  
 svo ástrika og fríða;  
 grátandi að þínum grafarreit  
 gengur skáldið, með tárin heit,  
 að kveðja kvendið þýða.

*Gísli Thorarensen.*

---

Hvað ertu að gjöra;  
 grimmúðgi dauði!  
 þá beitir sigð þinni  
 á blóm en fegurstu,  
 og særir um leið

sári djúpu  
 hjörtu tryggðföst  
 og hugarblið?

Hvað ert' að gjöra,  
 þá hörðum járngreipum  
 sárinda og sóttar  
 þú sundur liðar  
 hallir veglegar  
 himin-sendra  
 gesta góligra,  
 guðs ástgjafa?

Æ, hví hlaut Jórunn,  
 Ísleifi borin,  
 blóm-kvendið þýða,  
 þrek-kvendið stillta,  
 tryggð-kvendið ljúfa,  
 með tállausa hjartað,  
 að bergja svo úng  
 á bikar vanheilsu,  
 og hníga svo snemma  
 fur heljarbrandi?

Hvað er líf vort  
 á landi dauðans?  
 Skóli skammvinnur,  
 skilyrðis dvöl,  
 undirbúningur,  
 og ekkert meira,  
 lífs vors ens sanna,  
 hvers lok ei bíða.

Hvað er líkaminn?

Leirbúð jarðnesk,  
fagurt en fallvalt  
furðu-smíði.

Hvert er ágæti  
hervistar-daga?  
Armæða, þreyta,  
ánauð og stríð.

Gott er andanum  
ódauðlega,  
sem unni guði  
og góðu öllu,  
úr fjötrum jarðneskum  
sem fyrst að leysast,  
og fæðast í náðarskaut  
frelsarans góða,  
og laugast í kærleiks-  
lind himneskri.

Gott er guðsbörnum  
að ganga með sigri  
úr baráttu jarðar  
og böls aðköstum,  
hvenær sem þóknast  
himnaföður  
að fóstur það fæðist  
í flokk hans útvaldra.

Gott er að flytjast  
á guðs engla vagni

úr faðmi fastlyndra  
fróns ástvina  
í faðminn útbreidda  
frelsarans blíða,  
og verða þar fagnað  
af vinum fyrrkomnum.

Falla hér fögur blóm,  
er fold vora prýða  
að gróðursetjist þau  
í guðs dýrðar akri,  
og skíni þar útvaldra  
unaðsljóma,  
sem engum áskyggist  
ama stundarheims.

Sjáið í trúnni  
syrgjandi vinir!  
hve fagurt Jórunn skín  
hjá frelsarans stóli.  
Heyrið himneskan  
hreim lofsaungva,  
er engils vörum  
út af streyma.

Sjáið í trúnni  
á sælli stundu,  
heim þá kallizt þér  
frá hèvistar reynslum,  
engilfaðm skínanda  
yður á móti

blítt hve hún breiðir  
í borg guðs lifanda!

Þökkum himnaföður  
þrótt, heilsu, líf,  
verjum því og vinnum  
í vingarði hans,  
hræðumst ei dagsins  
hita nè þunga,  
en hugsum vonglaðir  
til heillastundar;  
þá förum vèr og finnum  
fullsæla vini.

*Sveinn Nielsson.*

---

1.

Hvert er farin hin fagra og blíða,  
fyr sem gullörmum vafði þig tveim,  
úr eynda flóði lífs er nam líða,  
hvert leið hún í svipa myrkfáinn heim?  
nei! til dýrðlegra Serafims sala,  
þar sjer hinn þríhelgi tignarstól bjó,  
og' hans hyrðsveitir aldur sinn ala,  
sem örkfáingin dúfa hin leysta burt fló

2.

Múgur eingla þar mót' henni skundar,  
meðtekur fagnandi nýkominn gest;  
fimm þó fremstir og öllum á undan  
að henni svífa, sem fagni þeir mest;



með gulltár í augum glaðir umkringja  
 guðkjörinn dýrðling og leiða með sér.  
 »Móðir, móðir«! svo sætan þeir sýngja,  
 »sögð ertu' í guðs nafni velkomin hjer!«

## 3.

Og hinn sendi þeim samsýngur flokkur:  
 »Sögð ertú' í Guðs nafni velkomin hér!«  
 enn hann furðar, að flekkur vart nokkur  
 finnst á henni, sem komin þá er.  
 Hana því mundi og hreina ei finna  
 himin, þars æ býr sannleikinn skær,  
 heims er lastgjarnir lofuðu munnar,  
 og lýgi skeytin sér hopuðu fjær?

## 4.

Sitt í fjelag með fögnuði kjósa  
 flokkar himins hið ágæta víf,  
 leiða' um ódáins akurinn ljósa,  
 hvar unan er sjerhvað og gleði og líf,  
 enn er lykkjur þar leiðinni breyta  
 lítur þaðan hin himneska þó,  
 eptir jörðunni' er augað að leita  
 og þeim vinum, er með hún þar bjó

## 5.

Þú, sem sárar með sútir í brjósti  
 saknandi mænir til hennar svo títt,  
 lífs í nöprum þú gráta mátt gjósti,  
 hvar geturðu hjarta svo ástrikt, svo blítt?  
 Geym vel í minni það gott allt hún veitti,  
 hins góða hjarta það svölun er dýr,

og von, þá ekkert, já ekkert sem þreytti,  
eilífa huggun hún sál þinni býr.

## 6.

Dauflegt er hjá þér í hífýlum vinur!  
harla dapurt allt kringum þig er;  
hress viltu sýnast, enn hjarta þitt stynur,  
hrínginn vina þann brotna þá sèr.  
Enn á nóttum, þá ljós eru liðin  
og liður hjarta þitt sárast og mest,  
blund' þú sviptist, og finnur síst friðinn,  
færðu þó enn þá hjartkæran gest.

## 7.

Hún, er fyrrum títt sat þér við síðu  
á sál eða líkama', er mein barstu hljótt,  
en við rúm þitt með bragði svo bliðu  
broshýr situr, þó hylji' hana nótt;  
átt' nú að varðeingli áður þinn maka,  
hún ann þjer af hjarta, man þig sem þá,  
í kyrrþey horfið hún hefur til baka  
frá heimi þeim, hvar hún þig ekki sá.

## 8.


Enn þá nálæg þjer er hún og jafna  
einum hugurinn dvelur hjá þér;  
enn hún gleðst, þegar yndi þitt dafnar,  
enn hún hryggist, nær sorgin þig sker.  
Hennar ekkert þig hylli lát ræna,  
hraustlega berstu þó dragi' yfir ský,  
og lúinn torfu nær leggst undir græna,  
laun þín meðtaktu faðmi hennar í.

*Ólafur Indriðason.*

---









Lbs - Íslandssafn



100500291 - 6

